

বাংলার মাটি বাংলার জল

মমতা চৌধুরী

তুমি আমার বাংলার মাটি,
আমার জন্মভূমি,
শতকোটি চুম্বনে রাঙ্গাই
তোমার চরন দু'খানি
এ যেন মোর প্রিয়ার অধরের
উষ্ণ মধুরিমার আবেশখনি ॥

মর্তে স্বর্গবোধ তুমি
আমার চেতনায়
তোমার নিত্য চলাচল
মোর ভাবের সীমানায়,
তব বিদ্যুৎ পরশে সঞ্চরিত
ঘন নীল মেঘপুঞ্জ মোর কামনায় ॥

বাংলা, তুমি আমার দুর্বীর স্বাধীনতার স্পৃহা,
আমার প্রতি লহিত কণায় স্পন্দিত
তোমায় পাওয়ার অজুত বাসনা,
মুহু মুহু ঝংকৃত,
সীমানা হারানো সীমানায় -
লাল সবুজের বন্যায় ॥

সহস্র বছরের নিঘাদ রোদে পুড়ে পুড়ে
অসীম সহিষ্ণু, ভূমি, তুমি
তৃষিত চাতকের মত
চৈত্রের কাঠফাটা জ্যোৎস্নায়
'চোখ গেল' 'চোখ গেল' আর্তস্বরে -
প্রতীক্ষার প্রহর গুনো তুমি
আমার শাওন মেঘের
প্রথম অভিসারে ॥

আমি তাই বাংলার জল হয়ে
অঝোর ধারার সিঞ্চনে -
শীতল করি তোমার তপ্ত তনুমন প্রাণ
প্রকৃতির উজার করা
ভালবাসার অর্ঘ্যে -
যুগে যুগে, ক্ষণে ক্ষণে, পলে পলে ॥

আমার বিজয় পতাকা উড্ডীন, বাংলা,
শত ডিসেম্বরের টগবগে রক্তস্রোতে -
তব দেবশ্রী অঙ্গ জুড়ে
মোর ভালবাসার অপার অহংকারে।
প্রতি প্রহরে বুনেছি, নিভুতে যতনে -
মোর মুক্তির কথকতার
এক নীল নস্ট্রীকাঁথা -
মোদের বিজয়ের অপরূপ স্মৃতিগাঁথার দেউলে ॥

আমার ভুবন, তুমি, উর্বর মৃত্তিকা,
বর্ণী এসে ছিনিয়ে নিতে পারেনি
এক কণাও ঐশ্বর্য তোমার!
তাই বুঝি এত প্রশান্তি
তোমার পরশের প্রতি কণায় -
অবিরল ধারা হয়ে ঝড়ে পরি তাই আমি
তব বক্ষের কোমল আঙ্গিনায় ॥

অতপরঃ শ্যামল কোমল উপত্যকায় তোমার -
পদ্মা যমুনা মিশে যাওয়া
একই ধারায়;
আমাদের স্বপ্নের শিশুরা দোলে
প্রতি শস্যের দানায় দানায়
চন্দ্র সূর্যের মিঠে আলোর বন্যায় ॥

বাংলা, আমি তোমার গহীন ব্যথায়
হৃদয়ের অশ্রুবিন্দু হিরক কণার -
যেমনি শ্রীলঙ্কা ভারত কন্যার।
যদিও শত ঘাতকের আঘাতে
বিদীর্ণ মোরা ক্ষণে ক্ষণে
তবুও ফিরে ফিরে আসব আমি,
অনন্তকাল ধরে, বাংলা,
তব বাঁধনহারা রাখীর অনিন্দ্য বন্ধনে ॥

৩০শে নভেম্বর, ২০০৫।